

中國方志叢書·華北地方·第五六二號


據

清嘉慶十四年刊本
清張伯魁纂修

影印

甘肅省

徽縣志



95/6/1/92

成文出版社有限公司印行



10107824

中國方志叢書·華北地方·第五六二號


據

清嘉慶十四年刊本
張伯魁纂修

影印

甘肅省

徽縣志



566102
成文出版社有限公司印行



10107825

中華民國六十五年 月臺一版

徽縣志

全二冊

發行人：黃 成 助

出版者：成文出版社有限公司

台北市郵政信箱二二六〇五號
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

自序

徽州有志前明嘉靖間郭僉憲剏修

國朝改州爲縣康熙初重刊縣志大畧卽郭本也嗣遭
兵火鏤版就燬於今又百四十餘年因陋就簡紀載
缺如欲考其山川疆域人物以及風會政教俱不可
得如行暗室俛俛無之非官斯土者之耻哉壬戌之
夏余來莅茲邑卽愍然於心維時烽烟甫息方謀調
劑補救之不遑安事鉛槧幸不期年人和年豐士氣

蒸蒸日上癸亥丙寅適余硯友沈輔之明經兩次過
余每從流覽之下必書所見因與援今証古囊括全
史輯疆域沿革二篇反覆玩之則河池之名勝舊事
已覺昭然在目已余復隨時裒集稍稍成帙戊辰夏
奉

憲檄飭造節烈殉事八祀昭忠各冊參核卷宗隨事
記述於是合採舊志證諸邑中之賢士缺者補之譌
者正之冗者刪之書成釐其目爲八曰疆域曰沿革

曰建置曰職官曰選舉曰人物曰食貨曰藝文其於
風土人物政教典章秩然不紊已已夏捐資剏俾
一邑之真面目盡存焉稍寬守土之責免貽不學之
耻斯厚幸已謂成一代醇脩之書足供太史氏之採
擇豈余之固陋所敢望哉

旨

嘉慶十四年歲次己巳知甘肅直隸秦州徽縣事候
補知府海鹽張伯魁題

徽縣志目錄

疆域志

星野
邱墓

圖
入鎮

里至
屯所

形勝
山隘

要路
山水

古蹟

沿革志

沿革
載記

郡縣
雜記

源流

兵戎

建置志

城池
坊表

公署
橋梁

學校
廟宇

營汛
壇壝

驛遞
附寺院

職官志

官師

名宦

選舉志

進士
附例貢監

舉人

薦辟
武職

貢士
軍功

武舉

人物志

鄉賢
節烈

忠義
寓賢

孝行
仙釋

食貨志

賑卹
課稅

會計
兵餉

戶口
物產

田賦
風俗

經襍
災祥

幻異 附救荒
詳 河池誌災

藝文志 玉音 疏表 傳 碑
記 詩 補遺

自序

徽州有志前明嘉靖間郭僉憲初修

國朝改州爲縣康熙初重刊縣志大畧卽郭本也嗣遭
兵火鏤版就燬於今又百四十餘年因陋就簡紀載
缺如欲考其山川疆域人物以及風會政教俱不可
得如行暗室俛俛無之非官斯土者之耻哉壬戌之
夏余來莅茲邑卽愍然於心維時烽烟甫息方謀調
劑補救之不遑安事鉛槧幸不期年人和年豐士氣

蒸蒸日上癸亥丙寅適余硯友沈輔之明經兩次過
余每從流覽之下必書所見因與援今証古囊括全
史輯疆域沿革二篇反覆玩之則河池之名勝舊事
已覺昭然在目已余復隨時裒集稍稍成帙戊辰夏
奉

憲檄飭造節烈殉事八祀昭忠各冊參核卷宗隨事
記述於是合採舊志證諸邑中之賢士缺者補之譌
者正之冗者刪之書成釐其目爲八曰疆域曰沿革

曰建置曰職官曰選舉曰人物曰食貨曰藝文其於
風土人物政教典章秩然不紊已已夏捐資剏俾
一邑之真面目盡存焉稍寬守土之責免貽不學之
耻斯厚幸已謂成一代醇脩之書足供太史氏之採
擇豈余之固陋所敢望哉

旨

嘉慶十四年歲次己巳知甘肅直隸秦州徽縣事候
補知府海鹽張伯魁題

凡例

一是編自疆域至藝文釐爲八志又於八志之下分列各門首綴小序所以明體例昭畫一也茲於小序之所未及者約舉凡例數條俾閱者展卷了然一舊志祇三十餘頁然自昔相傳吉光片羽皆是邦之實錄也是編悉行采入不敢妄刪一字

一舊志之外惟秦州志中分隸徽邑者或有補前志之所未及是編采集不遺惟秦州志體尙繁富間

有附會如漢來歙將兵入蜀遇賊於此列之名宦
殊有未安如斯之類不一而足是編悉行核實不
敢雷同

一疆域志凡山川形勝道里遠近以及鎮所坐落山
隘要路皆親歷其境瞭如指掌不敢如空中樓閣
海上神山也

一徽邑無藏書家建置沿革考據爲難惟歷朝正史
存貯學宮是編於史家所載細爲采輯數年以來

伯魁公餘之暇與培園挑燈稽古煞費苦心

一職官志列官師名宦兩門政績無考但存其名而已其著有宦績者列於名宦謹從葢棺論定之例詳稽博訪綴以小傳至現列什途雖勲業爛然未敢列入以待將來

一舊志距今百有餘年文獻無存人物一志何從下筆其間孝義之士節烈之女惟業已請旌及當道給匾者尙有卷冊可稽此外則幾與草木同腐

已伯魁於嘉慶七年下車之日卽慨焉傷之爰遍

告紳士凡孝子順孫義夫節婦許其子孫並隣里
鄉黨據實具呈批給匾額令禮房詳記冊檔日積
月累彙聚遂多故從事斯編雖始於丙寅而區區
之心則八年以來未嘗一日忘也

忠孝節烈採訪宜詳是編於冊檔之外續行編入
者則山生耀祖杜生發春等詢訪窮鄉之所得也
闡揚潛德數子力焉書成後延王生嘉善校讐頗

爲盡心

一 是偏寓賢專就沒於斯土者而言其偶焉託足仍
夏首邱者概不列入故賢如子美雖爲邑乘之光
亦祇於藝文志中存其同谷數詩而已

一 藝文志所采詩文皆有關於斯土者此外雖鴻篇
鉅製不敢攔入不朽錄開益錄照膽錄三序所以
存其書名亦藝文志之例也

一 伯魁 網羅古蹟修舉廢墜隨時紀述遂多弁鄙之